



CM	0	1	2	3	4	5	6	7	8	9	10	11	12	13	14	15	16	17
Lab D50 2°	95/0/2	81/0/0	66/0/0	51/0/1	35/0/0	20/0/0	29/19/-54	55/-39/33	42/57/29	82/4/79	51/50/-13	50/-28/-29						
	38/14/16	66/16/18	50/-5/-22	43/-14/21	55/-9/-25	71/-32/0	62/34/60	40/9/-43	52/48/17	31/21/-21	72/-23/57	73/19/68						

韓

韓傀相韓

音規

韓傀相韓嚴遂重於君二人相害也嚴遂政議直指舉韓傀之過

一恃貴一矜寵不相下也

韓傀以之叱之於朝嚴遂拔劍趨之以救解於是嚴遂懼誅亡去

游求人可以報韓傀者至齊人或言軹深井里聶政勇敢士也

伏降志辱身養母句

避讐隱於屠者之間嚴遂陰交於聶政以意厚之聶政問之曰子

因日淺故待政之幸猶厚幸字對上意字薄字分對上下文厚字坊本訓迫費解

欲安用我乎嚴遂曰吾得為後之日淺事今薄奚敢有請於是嚴

遂乃具酒自觴聶政母前仲子奉黃金百鎰前為聶政母壽聶政

哈佛大學  
圖書館  
珍藏印

評文使不得安其位

驚愈怪其厚固謝嚴仲子仲子固進而聶政謝曰臣有老母家貧  
客游以為狗屠可旦夕得甘脆以養親供養備義不敢當仲子  
之賜嚴仲子辟人因為聶政語曰臣有讐而行游諸侯衆矣然至  
齊聞天下義甚高故直進百金者特以為夫人麤糲之費以交足  
下之謹豈敢以有求耶聶政曰臣所以降志辱身居市井屠者幸  
以養老母老母在前政身未敢以許人也嚴仲子固讓聶政竟不  
肯受然仲子卒備賓主之禮而去久之聶政母死既奠除服聶政  
曰嗟乎政乃市井之人鼓刀以屠而嚴仲子乃諸侯之卿相也不

政之○心○故○此○段○文字○是○作○者○傳○神○寫○生○最○要○之○處○  
遠千里枉車騎而交臣臣之所以待之者至淺矣未有大功可以  
稱者而嚴仲子舉百金為親壽我義不受然是深知政也夫賢者  
以感憤睚眦之意而親信窮僻之人而政獨安可嘿然而止乎且  
前日要政政徒以老母老母今已天年終政將為知己者用遂西  
至濮陽見嚴仲子曰前日所以不許仲子者徒以親在今親不幸  
而死仲子所欲報仇者請得從事焉嚴仲子具告曰臣之仇韓相  
韓傀又韓君之季父也宗族盛多居處兵衛甚設臣使人刺之  
終莫能就今足下幸而不棄請益具車騎壯士以為羽翼政曰韓

判判欲待  
容其政欲  
獨行事勢  
不同故作  
月亦不同

與○衛○相○去○中○間○不○遠○今○殺○人○之○相○相○又○國○君○之○親○此○其○勢○不○可○以○  
多○人○多○人○不○能○無○生○得○失○生○得○失○則○語○泄○語○泄○則○韓○舉○國○而○與○仲○  
子○為○仇○也○豈○不○殆○哉○遂○謝○車○騎○人○徒○辭○獨○行○仗○劍○至○韓○韓○適○有○東○  
蓋○之○會○韓○王○及○相○皆○在○焉○持○兵○戟○而○衛○侍○者○甚○衆○聶○政○直○入○上○階○  
刺○殺○韓○傀○韓○傀○走○而○抱○烈○侯○聶○政○刺○之○兼○中○烈○侯○左○右○大○亂○聶○政○  
大○呼○所○擊○殺○者○數○十○人○因○自○面○皮○抉○眼○脣○賜○遂○以○死○韓○取○聶○政○屍○  
暴○於○市○縣○購○之○千○金○久○之○莫○知○誰○政○姊○嬰○聞○之○曰○吾○弟○至○賢○不○可○  
愛○妾○之○軀○滅○吾○弟○之○名○非○弟○意○也○乃○之○韓○視○之○曰○勇○哉○氣○矜○之○隆○

應前兵衛其設所以形政之勇

兵衛無阻即其據廉不可敵

表其勇

是○其○軼○賁○育○高○成○荆○矣○今○死○而○無○名○父○母○既○歿○矣○兄○弟○無○有○此○為○  
我○故○也○夫○愛○身○不○揚○弟○之○名○吾○不○忍○也○乃○抱○屍○而○哭○之○曰○此○吾○弟○  
軼○深○井○里○聶○政○也○亦○自○殺○於○屍○下○晉○楚○齊○衛○聞○之○曰○非○獨○聶○政○之○  
能○乃○其○姊○者○列○女○也○聶○政○之○所○以○名○施○於○後○世○者○其○姊○不○避○菑○酢○  
之○誅○以○揚○其○名○也○

一勇之勇士

寫聶政種、出色是著書者極用意文字。聶政刺軻兩行刺  
一叙得極詳一叙得極簡千載下俱如親見奇絕

申子請仕其從兄官

仕其從兄以官

申子請仕其從兄官。昭侯不許也。申子有怨色。昭侯曰：非所謂學於子者也。聽子之謁而廢子之道乎？又亡其行子之術而一子之請乎？子嘗教寡人循功勞視次第。今有所求，此我將奚聽乎？申子乃避舍。請罪曰：君真其人也。

蘇秦為趙合從說韓

蘇秦為趙合從說韓王曰韓北有鞏洛成臯之固西有宜陽常阪  
 之塞東有宛穰洧水南有陘山地方千里帶甲數十萬天下之強  
 弓勁弩皆自韓出皆弩名谿子少府時力距來皆射六百步之外韓卒超  
 足而射百發不暇止遠者達胸近者掩心韓卒之劍戟皆出于冥  
 山棠谿墨陽合伯鄧師宛馮龍淵大阿皆陸斲馬牛水擊鵠雁當  
 敵即斬堅甲盾鞬音發鐵莖革抉音發無不畢具以韓卒之勇被堅  
 甲蹙勁弩帶利劍一人當百不足言也夫以韓之強與大王之賢

乃欲西面事秦、稱東藩、築帝宮、受冠帶、祠春秋、交臂而服焉。夫羞社稷而為天下笑、無過此者矣。是故願大王之熟計之也。大王事秦、秦必求宜陽成臯。今茲効之、明年又益求割地與之、即無地以給之、不與則棄前功而後更受其禍。且夫大王之地有盡、而秦之求無已。夫以有盡之地而逆無已之求、此所為市怨而賈禍者也。不戰而地已削矣。臣聞鄙語曰：寧為鷄口、無為牛後。今大王西面交臂而臣事秦、何以異於牛後乎？夫以大王之賢、挾強韓之兵、而有牛後之名、臣竊為大王羞之。韓王忿然作色、攘臂按劍、仰天太

息曰：寡人雖死、必不能事秦。今主君以趙王之教、詔之敬奉社稷、以從。

與說魏意同法同而論割地之害較暢

秦韓戰於濁澤

秦韓戰於濁澤、韓氏急、公仲朋謂韓王曰、與國不可恃、今秦之心、  
欲伐楚、王不如因張儀為和於秦、賂之以一名都、嫁禍于楚、與之伐楚、此以  
一易二之計也、韓王曰善、乃敝公仲之行、將西講於秦、楚王聞之、  
大恐、召陳軫而告之、陳軫曰、秦之欲伐我久矣、今又得韓之名都、  
一而具甲、秦韓并兵南鄉、此秦所以廟祠而求也、今已得之矣、楚  
國必伐、王聽臣為之、敝四境之內、選師言救韓、令戰車滿道、路發  
信臣、多其車、重其幣、使信王之救已、韓為不能聽我、韓之德王也。



必不為雁行以來。是秦韓不和。兵雖至。楚國不大病矣。為能聽我。絕和於秦。秦必大怒。以厚怨於韓。復嫁禍于韓得楚救。必輕秦。輕秦。其應秦。必不敬。是我因秦韓之兵。而免楚國之患也。楚王大說。乃徹四境之內。選師言救韓。發信。臣多車幣。謂韓王曰。敝邑雖小。已悉起之矣。願大國遂肆意於秦。敝邑將以楚殉韓。韓王大說。乃止。公仲公仲曰。不可。夫以寔告我者。秦也。以虛名救我者。楚也。恃楚之虛名。輕絕強秦之敵。必為天下笑矣。且楚韓非兄弟之國也。申明楚又非素約而謀伐秦矣。秦欲伐楚。楚以起師言救韓。此必陳軫之謀也。且王

申明輕絕秦

已使人報於秦矣。今弗行。是欺秦也。合收夫輕強秦之禍。而信楚之謀。臣王必悔之矣。韓王弗聽。遂絕和於秦。秦果大怒。興師與韓氏戰於岸門。楚救不至。韓氏大敗。韓氏之兵非削弱也。民非蒙愚也。兵為秦禽。智為楚笑。過聽於陳軫。失計於韓朋也。

張儀為秦連橫說韓

韓秦相形其文有聲有談

張儀為秦連橫說韓王曰韓地險惡山居五穀所生非麥而莖民之所食大抵苳飯藿羹一歲不收民不厭糟糠地方不滿九百里無二歲之所食料大王之卒悉之不過三十萬而廝徒負養在其

中矣為除守微亭障塞見卒不過二十萬而已秦帶甲百餘萬車千乘騎萬匹虎鷲之士踔踔科頭貫頤奮戟者至不可勝計也秦馬之良戎兵之衆探前蹶後蹄間三尋者不可勝數也山東之卒被甲冑以會戰秦人捐甲徒程以迨敵左挈人頭右挾生虜夫

、屯、用、俞、如、貫、珠、

秦卒之與山東之卒也。猶孟賁之與怯夫也。以重力相壓。猶烏獲之與嬰兒也。夫戰孟賁烏獲之士。以攻不服之弱國。無以異於墮千鈞之重。集於鳥卵之上。必無幸矣。諸侯不料兵之弱。食之寡。而聽從人之甘言。好辭比周。以相飾也。皆奮曰。聽吾計。則可以強霸天下。夫不顧社稷之長利。而聽須臾之說。誑人主者。無過於此者矣。大王不事秦。秦下甲據宜陽。斷絕韓之上地。東取成臯。宜陽則鴻臺之宮。桑林之苑。非王之有已。夫塞成臯。絕上地。則王之國分矣。先事秦則安矣。不成秦則危矣。夫造禍而求福。計淺而怨深。

亦誤也

逆秦而順趙。雖欲無亡。不可得也。故為大王計。莫如事秦。事秦之所欲。莫如弱楚。而能弱楚者。莫如韓。非以韓能強於楚也。其地勢然也。今王西面而事秦。以攻楚。敝邑秦王必喜。夫攻楚而私其地。轉禍而說秦。計無便於此者也。是故秦王使臣獻書大王。御史須以決事。韓王曰。客幸而教之。請七郡。縣築帝宮祠。春秋稱東藩。効宜陽。

或謂公仲

或謂公仲曰今有一粟而可以忠於主便於國利於身願公之行  
 之也○精○確○令天下散而事秦則韓最輕矣天下合而離秦則韓最弱矣  
 合離之相續則韓最先危矣此君國長民之大患也今公以韓先  
 合於秦天下隨之是韓以天下事秦之德韓也厚矣韓與天下  
 朝秦而獨厚取德焉公行之計是其於主也至忠矣天下不合秦  
 秦令而不聽秦必起兵以誅不服秦久與天下結怨構難而兵不  
 決韓息士民以待其變公行之計是其於國也大便也昔者周倭

以西周善於秦而封於梗陽周啟以東周善於秦而封於平原今  
公以韓善秦韓之重於兩周也無先計而秦之爭機也萬於周之  
時今公以韓為天下先合於秦必以公為諸侯以明示天下公  
行之計是其於身大利也願公之加務也

是亦橫人之言然切而不浮淺而可聽較張儀一味恐嚇吾謂  
過之

謂鄭王曰

謂鄭王曰昭○事○三○折○蠶侯○折○一世之明君也申不害○折○一世之賢士也韓與魏  
敵侔之國也申不害與昭蠶侯執圭而見梁君非好卑而惡尊也  
非慮過而議失也申不害之計事曰我執珪於魏君必得志於  
韓必外靡於天下矣是魏敵矣諸侯惡魏必事韓是我侔於一人  
之下而信於萬人之上也夫弱魏之兵而重韓之權莫如朝魏昭  
蠶侯聽而行之明君也申不害慮事而言之忠臣也今之韓弱於  
始之韓今之秦強於始之秦今秦有梁君之心矣而王與諸臣不

事為尊秦以定韓者臣竊以為王之明為不如昭釐侯而王之諸  
臣莫如申不害也昔者秦穆公一勝於韓原而霸西川晉文公一  
勝於城濮而定天子此皆以一勝立尊令成功名於天下今秦數  
世強矣大勝以十數小勝以百數大之不王小之不霸名尊無所  
立制令無所行然而春秋用兵者非以求主尊成王於天下也昔  
先王之攻有為名者有為寔者為名者攻其心為寔者攻其形昔  
者吳與越戰越人大敗保於會稽之上吳人入越而戶撫之越王  
使大夫種行成於吳請男為臣女為妾身執禽而隨諸御吳人果

○安○提○  
○先○王○之○攻○有○為○名○者○有○為○寔○者○為○名○者○攻○其○心○為○寔○者○攻○其○形○昔○者○吳○與○越○戰○越○人○大○敗○保○於○會○稽○之○上○吳○人○入○越○而○戶○撫○之○越○王○使○大○夫○種○行○成○於○吳○請○男○為○臣○女○為○妾○身○執○禽○而○隨○諸○御○吳○人○果

聽其辭與成而不盟此攻其心者也其後越與吳戰吳人大敗亦  
請男為臣女為妾反以越事吳之禮事越人而不聽也遂殘吳國  
而禽夫差此攻其形者也今將攻其心乎宜使如吳攻其形乎宜  
使如越夫攻形不如越而攻心不如吳而君臣上下少長貴賤卑  
呼霸王臣竊以為猶之井中而謂曰我將為爾求火也東孟之會  
聶政陽堅刺相兼君許異感列侯而殪之立以為鄭君韓氏之眾  
無不聽令者則許異為之先也是故列侯為君而許異終身相焉  
而韓氏之尊許異也猶其尊列侯也今日鄭君不可得而為也雖

政之詞  
聶政之使伴死  
引二事欲韓先天下  
臣事秦一霸主意在此  
作鄭君通說文與也

終身相之焉。然而吾弗為云者，豈不為過謀哉？昔齊桓公九合諸侯，未嘗不以周襄王之命。然則雖尊襄王，桓公亦定霸矣。九合諸侯之尊桓公也，猶其尊襄王也。今日天子不可得而為也。雖為桓公，然而吾弗為云者，豈不為過謀而不知尊哉？韓氏之士數十萬，皆戴列侯以為君，而許與獨取相為者，無他也。諸侯之君無不任事於周室也，而桓公獨取霸者，亦無他也。今強國將有帝王之業，而以國先者，此桓公許與之類也。豈可不謂善謀哉？夫先與強國之利，強國能王，則我必為之；霸強國不能王，則可以避其兵，使之

無伐我。然則強國事成，則我上帝而一強國之事不成，猶之厚德我也。今與強國強國之事成，則有福；不成則無患。然則先與強國者，聖人之計也。

燕

蘇秦將為從北說燕文侯

蘇秦將為從北說燕文侯曰燕東有朝鮮遼東北有林胡樓煩西  
 有雲中九原南有呼沱易水地方二千里帶甲數十萬車七百乘  
 騎六千匹粟支二年南有碣石雁門之饒北有東粟之利民雖不  
 田作東粟之實足食於民矣妙轉所謂天府也夫安樂無事不見覆  
 軍殺將之憂無過燕矣大王知其所以然乎夫燕之所以不犯寇  
 被兵者以趙之為蔽於其南也秦趙五戰秦再勝而趙三勝秦趙



相敬而王以全燕制其後此燕之所以不犯難也且夫秦之攻燕也踰雲中九原過代上谷彌也踵道數千里雖得燕城秦計固不能守也秦之不能害燕亦明矣今趙之攻燕也發號出令不至十日而數十萬之衆軍於東垣矣度乎能涉易水不至四五日而距國都矣故曰秦之攻燕也戰於千里之外趙之攻燕也戰於百里之內夫不憂百里之患而重千里之患計無過於此者是故願大王與趙從親天下為一則國必無患矣燕王曰寡人國小西迫強秦促近齊趙齊趙強國今主君幸教詔之合從以安燕敬以國從

於是齊蘇秦車馬金帛以至趙

秦說六國各有要領合六篇觀之秦之能天下之勢七雄之勢亡如指諸掌

人有惡蘇秦於燕王者

人有惡蘇秦於燕王者曰武安君天下不信人也王以萬乘下之

尊之於廷示天下與小人群也武安君從齊來而燕王不館也謂

燕王曰臣東周之鄙人也見足下身無咫尺之功而足下迎臣於

郊顯臣於廷今臣為足下使利得十城功存危燕足下不聽臣者

人必有言臣不信傷臣於王者且臣之不信是足下之福也使臣

○去兒○認○不信○奇○  
○句○提○

信如尾生廉如伯夷孝如曾參三者天下之高行也而以事足下

可乎燕王曰可曰有此臣亦不事足下矣且夫孝如曾參義不離

親一夕宿於外足下安得使之。齊廉如伯夷不取素飧汗武王之義而不臣辭孤竹之君餓而死於首陽之山廉如此者何肯步行數十里而事弱燕之危主乎信如尾生期而不來把梁柱而死信不如也何肯揚燕秦之威於齊而取大功乎哉且夫信行者所以自為也非所以為人也皆自覆之術非進取之道也且夫三王代興五霸迭盛皆不自覆也君以自覆為可乎則齊不益於營丘足下不踰境不窺於邊城之外且臣有老母於周離老母而事足下去自覆之術而謀進取之道臣之趣固不與足下合者足下皆

又○自○居○忠○信○大○奇○  
 ○句○又○提

自覆之君也僕者進取之臣也所謂以忠信得罪於君者也燕王曰夫忠信何得罪之有也對曰足下不知也臣鄰家有遠為吏者其妻私人其夫且歸其私之者憂之其妻曰公勿憂也吾已為藥酒以待之矣後二日夫至妻使妾奉卮酒進之妾知其為藥酒也進之則殺主父言之則逐主母乃陽僞棄酒主父大怒而答之妾之棄酒上以活主父下以存主母也忠至如此然不免於咎此以忠信得罪者也臣之事適不幸而有類妾之棄酒也且臣之事足下亢義益國今乃得罪臣恐天下後事足下者莫敢自必也且臣

戰國策選  
之說齊曾不欺之也。使說齊者莫如臣之言也。雖堯舜之智不敢取也。

人以不信毀秦，直以不信自譽不辯之辯深於辯矣。既以不信自譽，又以忠信自居。若曰不信於人，乃所以忠信於主也。如此，則欺翻恨不生，救其言。

蘇秦死其弟蘇代欲繼之

蘇秦死其弟蘇代欲繼之。乃比見燕王，噲曰：臣東周之鄙人也。竊聞王義甚高，甚順鄙人不敏，竊釋鋤耨而于大王。至於邯鄲所聞於邯鄲者，又高於所聞。東周臣竊負其志，乃至燕廷，觀王之群臣下吏，大王天下之明主也。王曰：子之所謂天下之明主者，何如者也？對曰：臣聞之，明主者務聞其過，不欲聞其善。臣請謁王之過。夫齊趙者，王之仇讐也。楚魏者，王之援國也。今王奉仇讐以伐援國，尚所以利燕也。王自慮，此則計過無以諫者，非忠臣也。王曰：寡人

東上即下  
 之於齊趙也。非所敢欲伐也。曰夫無謀人之心而令人疑之。殆有謀人之心而令人知之。拙謀未發而聞於外。則危矣。臣聞王居處不安。食飲不甘。思齊報齊。身自削甲。札妻自組甲。緝曰有大數矣。有之乎。王曰。子聞之寡人不敢隱也。我有深怨積怒於齊而欲報之。二年矣。齊者我讐國也。故寡人之所欲報也。直患國敝力不足矣。子能以燕報齊。寡人奉國而委之於子矣。對曰。凡天下之戰國。所附以自重與下陽事齊各自一意絕不相蒙七而燕處弱。烏獨戰則不能有所附。則無不重。南附楚則楚重。西附秦則秦重。中附韓魏則韓魏重。且苟所附之國重。此必使王重。

矣。今夫齊王長主也。而自用也。南攻楚。五年穡積散。西困秦。三年民憔悴。士罷敝。北與燕戰。覆三軍。獲二將。而又以其餘兵南面西舉五千乘之勁。宋而包十二諸侯。此其君之欲得也。其民力竭也。安猶取哉。且臣聞之。數戰則民勞。以師則兵敝。王曰。吾聞齊有清濟濁河。可以為固。有長城鉅防。足以為塞。誠有之乎。對曰。天時不與。雖有清濟濁河。何足以為固。民力窮敝。雖有長城鉅防。何足以為塞。且異日也。濟西不役。所以備趙也。河北不師。所以備燕也。今濟西河北盡以役矣。封內敝矣。夫驕主必不好計。而亡國之臣貪。

財王誠能無愛寵子母弟以為質寶珍玉帛以事其左右彼且  
德燕而輕亡宋則齊可亡已王曰吾終以子受命於天矣曰內寇  
不與外敵不可拒王自治其外臣自款其內此乃亡之勢也

或獻書燕王

或獻書燕王燕王而不能自恃不惡卑名以事強事強可以令國

安長久萬世之善計也轉以事強而不可以為萬世則不如合弱將

奈何合弱而不能如一此臣之所以為山東苦也比目之魚不相

得則不能行故古人稱之以其合兩而為一也今山東合弱而不

能如一是山東之智不如魚也又譬如車士之引車也三人不能

行索二人五人而車因行矣今山東三國弱而不能敵秦索二國

因能勝秦矣然而山東不知相索者智故不如車士矣胡與越人

言○語○不○相○知○志○意○不○相○通○同○舟○而○凌○波○至○其○相○救○助○如○一○也○今○山○東○之○相○與○也○如○同○舟○而○濟○秦○之○兵○至○不○能○相○救○助○如○一○智○又○不○如○胡○越○之○人○矣○三○物○者○人○之○所○能○為○也○山○東○主○遂○不○悟○此○臣○之○所○為○山○東○苦○也○願○大○王○之○熟○慮○之○也○山○東○相○合○出○士○以○戍○韓○梁○之○西○邊○此○燕○之○上○計○也○不○急○為○此○國○必○危○矣○王○必○大○憂○今○韓○梁○趙○三○國○已○合○矣○秦○見○三○晋○之○堅○也○必○南○伐○楚○趙○見○秦○之○伐○楚○也○必○攻○燕○物○固○有○勢○異○而○患○同○者○秦○之○伐○韓○故○中○山○亡○今○秦○之○伐○楚○燕○必○亡○臣○竊○為○王○計○不○如○以○兵○南○合○三○晋○約○戍○韓○梁○之○西○邊○山○東○不○能○堅○為○此

此必皆亡、燕果以兵南合三晋也

三喻明切痛快愈深入愈顯出

燕昭王收破燕後即位

燕昭王收破燕後即位卑身厚幣以招賢者欲將報讐故往見郭

隗先生曰齊因孤國之亂而襲破燕孤極知燕小力不足以報然

得賢士與共國以雪先王之恥孤之願也敢問以國報讐者奈何

郭隗先生對曰○然○勢○空○元○帝者與師處王者與友處○霸者與臣處○亡者與役

處○誦○持○而○事○之○比○而○受○學○則○百○已○者○至○先○造○而○後○息○先○問○而○後○

默○則○十○已○者○至○人○造○則○若○已○者○至○馮○几○據○伏○眄○視○指○使○則○所○後○之○

人○至○若○恣○睢○奮○擊○响○籥○叱○咄○則○徒○赫○之○人○至○矣○此○古○服○道○致○士○之○



法也。王誠博選國中之賢者而朝其門。天下聞王朝其賢臣。天下之士必趨於燕矣。昭王曰：寡人將誰朝而可？郭隗先生曰：臣聞古之君人有以千金求千里馬者，三年不能得。涓人言於君曰：請求之。君遣之。三月得千里馬，已死，買其骨五百金，反以報君。君大怒曰：所求者生馬，安事死馬而捐五百金？涓人對曰：死馬且買之五百金，况生馬乎？天下必以王為能市馬。今至矣，於是不能期年，千里馬之至者三。今王誠欲致士，先從隗始。隗且見事，况賢於隗者乎？豈遠千里哉？於是昭王為隗築宮而師之。樂毅自魏往。

鄒衍自齊往。劇辛自趙往。士爭湊燕。燕王弔死，問生，與百姓同其甘苦。二十八年，國殷富，士卒樂佚，輕戰。於是遂以樂毅為上將軍，與秦楚三晉合謀以伐齊。齊兵敗，閔王出走於外，燕兵獨追北，入至臨淄，盡取齊寶，燒其宮室宗廟，齊城之不下者唯獨莒。即墨。燕昭王復仇，用郭隗，招致賢士，休養百姓，是其本。用蘓代，散布游士，間齊結秦，是其末。本末久用，其成功也必矣。

*[Faint bleed-through text from the reverse side of the page]*

客謂燕王曰

客謂燕王曰、齊南破楚、西屈秦、用韓魏之兵、燕趙之衆、猶鞭笞也、  
使齊北面伐燕、即雖五燕弗能當、王何不陰出使散游士、頃齊兵、  
敵其衆、使世、無患、燕王曰、假寡人五年、寡人得其志矣、蘇子曰、  
請假王十年、燕王說、奉蘇子車十五乘、南使於齊、謂齊王曰、齊南  
破楚、西屈秦、用韓魏之兵、燕趙之衆、猶鞭笞也、臣聞當世之舉、王  
必誅暴正亂、舉無道、攻不義、今宋王射天、笞地、鑄諸侯之衆、使待  
屏、、廁也、區展其臂、彈其鼻、此天下之無道不義、而王不伐、王名終不成、

且夫宋中國膏腴之地。鄰民之所處也。與其得百里於燕。不如得  
十里於宋。伐之名則義實。則利。王何為弗為。齊王曰。善。遂興兵伐  
宋。三覆宋。宋遂舉。燕王聞之。絕交於齊。率天下之兵以伐齊。大戰  
一。小戰再。頃齊國成其名。故曰。因其強而強之。乃可折也。因其廣  
而廣之。乃可缺也。

*齊伐宋宋急蘇代乃遺燕昭王書曰夫列在萬乘而寄質於齊名*

齊伐宋宋急

齊伐宋宋急蘇代乃遺燕昭王書曰夫列在萬乘而寄質於齊名  
卑而權輕奉齊助之伐宋民勞而實費破宋殘楚淮北肥大齊讐  
強而國弱也此三者皆國之大敗也而足下行之將欲以除害取  
信於齊也而齊未加信於足下而忌燕也愈甚矣然則足下之事  
齊也失所為矣夫民勞而實費又無尺寸之功破宋肥雞雞世負  
其禍矣足下以宋加淮北強萬乘之國也而齊并之是益一齊也  
北夷方七百里加之以魯衛此所謂強萬乘之國也而齊并之是

益二齊也。夫一齊之強而燕猶不能支也。今乃以三齊臨燕。其禍  
 必大矣。雖然。臣聞智者之舉事也。轉禍而為福。因敗而成功者也。  
 齊人紫敗素也。而賈十倍。越王勾踐棲於會稽。而後殘吳。霸天下。  
 此皆轉禍而為福。因敗而為功者也。今王若欲轉禍而為福。因敗  
 而為功乎。則莫如通霸齊而厚尊之。使之盟於周室。盡焚天下之  
 秦符約。曰。夫上計破秦。其次長賓客。秦挾賓客以待破。秦王必  
 患之。秦五世以結諸侯。今為齊下。秦王之志。苟得窮齊。不憚以一  
 國都為功。然而王何不使布衣之人。以窮齊之說。秦謂秦王曰。

燕趙破宋。肥齊尊齊。而為之下者。燕趙非利之也。弗利而勢為之  
 者何也。以不信秦王也。今王何不使可以信者。接收燕趙。令涇陽  
 君若高陵君先於燕趙。秦有變。因以為質。則燕趙信秦矣。秦為西  
 帝。趙為中帝。燕為北帝。立為三帝。而令諸侯韓魏不聽。則秦伐之。  
 齊不聽。則燕趙伐之。天下孰敢不聽。天下服聽。因驅韓魏以攻齊。  
 曰。必反宋地而歸楚之淮北。夫反宋地而歸楚之淮北。燕趙之所  
 同利也。並立三帝。燕趙之所同願也。夫實得所利。名得所願。則燕  
 趙之棄齊也。猶釋敝屣。今王之不收燕趙。則齊霸必成矣。諸侯戴

齊而王獨弗從也。是國伐也。諸侯戴齊而王從之。是名卑也。王不  
收燕趙名卑而國危。王收燕趙名尊而國寧。夫去尊寧而就卑危。  
智者不為也。秦王聞若說也。必如刺心。則王何不務使智士以若  
此言說秦。伐齊必矣。夫取秦上交也。伐齊正利也。尊上交務正  
利。聖王之事也。燕昭王善其書曰。先人嘗有德蘇氏子之。亂而  
蘇氏去燕。欲報讎仇于齊。非蘇氏莫可。乃召蘇氏復善待之。與  
謀伐齊。責破齊。閔王出走。

此與前策不同。各有機術。意先後用之者耶。

### 秦召燕王

秦召燕王。燕王欲往。蘇代約燕王曰。楚得枳而國亡。齊得宋而國  
亡。齊楚不得以有枳宋事秦者何也。是則有功者秦之深讐也。秦  
取天下非行義也。暴也。秦之行暴。正告天下。告楚曰。蜀地之甲。輕  
舟浮於汶。乘夏水而下江。五日而至。郢漢中之日。輕舟出於巴。乘  
夏水下漢。四日而至。五渚寡人積甲宛東。下隨。智者不及謀。勇者  
不及怒。寡人如射隼矣。王乃待天下之攻函谷。不亦遠乎。楚王為  
是之故。十七年事秦。正告韓曰。我起乎少曲。一日而斷太行。我

起乎宜陽而觸平陽二日而莫不盡繇我離两周而觸鄭五日而  
 國舉韓氏以為然故事秦正告魏曰我舉安邑塞女戟韓氏太  
 原卷下軼道南陽封冀兼色两周乘夏水浮輕舟強弩在前銛  
 戟在後決滎口魏無大梁決白馬之口魏無濟陽決宿胥之口魏  
 無虛頓丘陸攻則擊河內水攻則滅大梁魏以為然故事秦欲  
 攻安邑恐齊據之則以宋委於齊曰宋王無道為木人以象寡人  
 射其面寡人地絕兵遠不能攻也王苟能破宋有之寡人如自得  
 之已得安邑塞女戟因以彼宋為齊罪秦欲攻韓恐天下救之則

步刻畫秦情是極深數文字

以齊委於天下曰齊人四與寡人約四欺寡人必率天下以攻寡  
 人者三有齊無秦無齊有秦必伐之必亡之已得宜陽少曲致蘭  
 離石因以破齊為天下罪秦欲攻魏重楚則以南陽委於楚曰寡  
 人固與韓且絕矣殘均陵塞黽隘苟利於楚寡人如自有之魏棄  
 與國而合於秦因以塞黽隘為楚罪兵困於林中重燕趙以膠東  
 委於燕以濟西委於趙已得講於魏質公子延因犀首攻趙兵傷  
 於離石遇敗於馬陵而重魏則以葉蔡委於魏已得講於趙則劫  
 魏不為割困則使太后穰侯為和羸則兼欺舅與毋適燕者曰

極○文○亦○如○循○環○刺○蜚○  
 以膠東遼趙者曰以濟西遼魏者曰以葉蔡適楚者曰以塞郾阨  
 適齊者曰以宋必令其言如循環用兵如刺蜚母不能知舅不能  
約○龍○賈○之○戰○岸○門○之○戰○封○陵○之○戰○高○商○之○戰○趙○莊○之○戰○秦○之○所○殺○  
 三晉之民數百萬今其生者皆死秦之孤也西河之外上雒之地  
 三川晉國之禍三晉之半秦禍如此其大而燕趙之秦者皆以爭  
 事秦說其主此臣之所大患燕昭王不行蘇代復重於燕反約  
史○筆○後親如蘇秦時或從或否而天下由此宗蘇氏之從約代厲皆以  
見○其○寓○意○壽死名顯諸侯

此文可稱奇縱

昌國君樂毅

昌國君樂毅為燕昭王合五國之兵而攻齊下七十餘城盡郡縣  
之以屬燕三城未下而燕昭王死惠王即位用齊人反間疑樂毅  
而使騎劫代之將樂毅奔趙封以為望諸君齊田單詐騎劫卒  
敗燕軍復收七十餘城以復齊燕王悔懼趙用樂毅乘燕之敝以  
伐燕惠王乃使人讓樂毅且謝之曰先王舉國而委將軍將軍為  
燕破齊報先王之讎天下莫不振動寡人豈敢一日而忘將軍之  
功哉會先王棄群臣寡人新即位左右誤寡人寡人之使騎劫代



將軍為將軍久。暴露於外。故召將軍。凡休計事。將軍過聽。以與寡  
 人。有隙。遂捐燕而歸趙。將軍自為計。則可矣。而亦何以報先王之  
 所以遇將軍之意乎。望諸君乃使人獻書報燕王曰。臣不佞。不能  
 奉承先王之教。以順左右之心。恐抵斧質之罪。以傷先王之明。而  
 又害於足下之義。故遁逃奔趙。自負以不肖之罪。故不敢為辭說。  
 今王使臣者。數之罪。臣恐侍御者之不察先王之所以畜幸臣之  
 理。而又不白於臣之功子立前半篇所以事先王之心。故敢以書對。臣聞賢聖之  
 君。不以祿私其親。功多者授之。不以官隨其愛。能當者處之。故察

伏後半篇

能而授官者。成功之君也。論行而結交者。立名之士也。臣以所學

此段詳言先王知遇始末

者觀之。先王之舉錯。有高世之心。故假節於魏王。而以身得察於  
 燕。先王過舉擢之乎賓客之中。而立之乎群臣之上。不謀於父兄  
 而使臣為亞卿。臣自以為奉令承教。可以幸無罪矣。故受命而不  
 辭。先王命之曰。我有積怨深怒於齊。不量強弱而欲以齊為事。臣  
 對曰。夫齊霸國之餘教。而驟勝之遺事也。閉於兵甲。習于戰攻。王  
 若欲攻之。則必舉天下而圖之。舉天下而圖之。莫徑於結趙矣。且  
 又淮北宋地。楚魏之所同頸也。趙若許約。楚趙宋盡力。四國攻之。

齊可大破也。先王曰：善。臣乃口受令，具符節，南使臣於趙，頭反命。趙兵隨而攻齊，以天之道。先王之靈，河北之地隨先王舉而有之。於濟上，濟上之軍奉令擊齊，大勝之。輕卒銳兵，長驅至國。齊王逃遁，走莒，僅以身免。珠玉財寶，車甲珍器，盡收入燕。大呂陳於元英，故鼎反乎曆室。齊器設於寧臺，薊丘之植，於汶篁。自五霸以來，功未有及先王者也。先王以為順於其志，以臣為不頓命，故裂地而封之，使之得比乎小國。諸侯臣不佞，自以為奉令承教，可以幸無罪矣。故受命而弗辭，臣聞賢明之若功立而不廢，故著於春秋。

提挈

蚤知之，士名成而不毀，故稱於後世。若先王之報怨雪恥，夷萬乘之強，同收入百歲之蓄積，及至棄群臣之目，餘令詔後嗣之遺義，執政任事之臣，所以能循法令，順庶孽者，施及萌隸，皆可以教於後世。臣聞善作者不必善成，善始者不必善終。昔者伍子胥說聽乎闔閭，故吳王遠迹至於郢。夫差弗是也，賜之鴻夷而浮之江。故吳王夫差不悟先論之可以立功，故沉子胥而弗悔。子胥不蚤見主之不同量，故入江而不改。夫免身全功，以明先王之迹者，臣之上計也。離毀辱之非墮先王之名者，臣之所大恐也。臨不測之罪。

此段深言遁逃走趙情事

釋其與

○謀○出○之○疑○

以幸為利者義之所不敢出也臣聞古之君子交絕不出惡聲忠  
臣之去也不索其名臣雖不佞教未教於君子矣恐侍御者之親  
左右之說而不察疏遠之行也故敢以書報唯君之留意焉

書詞婉雅比諸策士為醇或曰當與前後出師表一例或曰是

國策第一篇文字予俱不謂然



燕王喜使栗腹

燕王喜使栗腹以百金為趙孝成王壽酒三日反報曰趙民其壯  
者皆死於長平其孤未壯可伐也王乃召昌國君樂間而問曰何  
如對曰趙四達之國也其民皆習於兵不可與戰王曰吾以倍攻  
之可乎曰不可曰以三可乎曰不可王大怒左右皆以為趙可伐  
遽起六十萬以攻趙令栗腹以四十萬攻鄒使慶秦以二十萬攻  
代趙使廉頗以八萬遇栗腹於鄒使樂乘以五萬遇慶秦於代燕  
人大敗樂間入趙燕王以書且謝焉曰寡人不佞不能奉順君意

端也。預，後用之。

本先。

故君捐國而去，則寡人之不肖明矣。敢端其預而君不肯聽，故使使者陳愚意。君試論之，語曰：仁不輕絕，智不輕怨。君之於先王也，王之卷頭以責之。未盡厚之三。字從此。生。出。世之所明知也。寡人望有非則君掩蓋之，不虞君之明罪之也。望有過則君教誨之，不虞君之明棄之也。且寡人之罪，國人莫不知，天下莫不聞。君微出明怨以棄寡人，寡人必有罪矣。此句提。雖然恐君之未盡厚也。諺曰：厚者不毀人以自益也，仁者不危人以要名。故掩人之邪者，厚人之行也。救人之過者，仁人之道也。世有掩寡人之邪，救寡人之過，非君孰望之。今君厚受位於先王，以成尊，輕棄寡人，

人以快心，則掩邪救過，難得於君矣。且世有薄而故厚，施行有失

而故惠用，今使寡人任不肖之罪，而君有失厚之累，於為君擇之

也。無所取之國，之有封疆，家之有垣墻，所以合好掩惡也。室不能

相和，出語鄰家，未為通計也。怨惡未見而明棄之，未為盡厚也。寡

人雖不肖乎，未如殷紂之亂也。君雖不得意乎，未如商容箕子之

累也。然則不內蓋寡人而明怨於外，恐其適足以傷於高而薄於

行也。非然也。苟可以明君之義，成君之高，雖任惡名，不難受也。本

欲以為明寡人之薄，而君不得厚揚寡人之厚，而君不得榮。此一

舉而兩失也。義者不虧人以自益，况傷人以自損乎？君無以寡人  
已下步見。其後、婦意。  
 不肖累往事之美，昔者柳下惠死於魯，三黜而不去，或謂之曰：可  
 以去。柳下惠曰：苟與人之異，惡往而不黜乎？猶且黜乎，寧於故國。  
 爾柳下惠不以三黜自累，故前業不忘，不以去為心，故遠近無議。  
 今寡人之罪，國人未知，而議寡人者徧天下。語曰：論不修心，議不  
 累物，仁不輕絕，智不簡功，簡棄大功者，輟也。輕絕厚利者，怨也。輟  
 而棄之，怨而累之，宜在遠者，不望之乎？君也。今以寡人無罪，君豈  
 怨之乎？願君捐怨，追惟先王，後以教寡人。意君曰：余且慝心以成  
如末以先王為師。

而過不頤，先五以明而惡，使寡人進不得修功，退不得改過，君之  
 所揣也。唯君圖之，此寡人之愚意也。敬以書謁之。樂間乘怨不用  
 其計，二人卒留趙不報。

未盡厚三字，摠括全書，詰責甚嚴，而往復甚曲，然曲處都極近  
 厲。王喜，悔諫，貪功自取，禍敗樂間之去，義士也。此書盡厲曲  
 說，子攷惠棄毅喜棄開前後一轍，樂氏事燕不終，豈非命與樂  
 氏何負於燕哉。

燕太子丹質於秦

燕太子丹質於秦。歸見秦且滅六國，兵已臨易水，恐其禍至。太子丹患之，謂其太傅鞠武曰：「燕秦不兩立，願太傅幸而圖之。」武對曰：「秦地遍天下，威脅韓魏趙氏，則易水以北，未有所定也。奈何以見陵之怨，欲批其逆鱗哉？」太子曰：「然則何由？」太傅曰：「請入圖之。」居之有間，樊將軍亡秦之燕，太子容之。太傅鞠武諫曰：「不可。夫秦王之暴而積怨於燕，足為寒心；又况聞樊將軍之在乎？是謂委肉當餓虎之蹊，禍必不振。雖有管晏，不能為之謀也。」願太子急遣樊將

軍入匈奴以城口請西約三晉南連齊楚此講於單于然後乃可  
圖也太子丹曰大傅之計曠日彌久心惛然恐不能頃臆且非獨  
於此也夫樊將軍困窮於天下歸身於丹丹終不迫於強秦而棄  
所哀憐之交置之匈奴是丹命同卒之時也願太傅更慮之鞠武  
曰燕有田光先生者其智深而慮沉可與之謀也太子曰願因太  
傅交於田先生可乎鞠武曰敬諾出見田光道太子願圖國事於  
先生田光曰敬奉教乃造烏太子跪而逢迎却行為道跪而拂席  
田先生坐定左右無人太子避席而請曰燕秦不兩立願先生留

意也田光曰臣聞騏驥盛壯之時一日而馳千里至其衰也駕馬

先之今太子聞光壯盛之時不知吾精已消亡矣雖然光不敢以

乏國事也所善荆軻可使也太子曰願因先生得交荆軻可乎田

光曰敬諾則起趨出太子送之至門戒曰丹所報先生所言者國

大事也願先生勿泄也田光俛而笑曰諾俛行見荆軻曰光與子

相善燕國莫不知今太子聞光壯盛之時不知吾形已不逮也幸

而教之曰燕秦不兩立願先生留意也光竊不自外言足下於太

子願足下過太子於宮荆軻曰謹奉教田光曰光聞長者為行不

使人疑之。今太子約光曰：所言者國大事也。願先生勿泄也。是太子疑光也。夫為行而使人疑之，非節俠士也。史○筆○欲自殺以激荆軻曰：願足下急過太子，言光已死，明不言也。遂自刎而死。軻見太子言田光已死，致光之言，太子再拜而跪，膝下行流涕，有頃而後言曰：丹所請田先生不言者，欲以成大事之謀。今田先生以死明不泄言，豈丹之心哉？荆軻坐定，太子避席頓首曰：田先生不知丹不肖，使得至前，願有所道。此天之所以哀燕而不棄其孤也。今秦有貪利之心，而欲不可足也，非盡天下之地，臣海內之王者，其意不饜。

今秦已虜韓王，盡納其地，又舉兵南伐楚，北臨趙，王剪教十萬之

衆，距漳、滹，而李信出太原、雲中，趙不支，秦必入臣。臣則禍至燕。

燕小弱，數困於兵，今計舉國不足以當秦，諸侯服秦，莫敢合從，丹

之私計，愚以為誠得天下之勇士，使於秦，闕以重利，秦王貪其勢

必得所願矣。誠得劫秦王，使悉反諸侯之侵地，若曹沫之與齊桓

公，則大善矣。則不可，因而刺殺之，彼大將擅兵於外，而內有大亂，

則君臣相疑，以其間，諸侯得合從，其償秦必矣。此丹之上願，不知

所以委命唯荆卿，留意焉。久之，荆軻曰：此國之大事也。臣駑下，恐

時太子有此一設意見所以不納鞠武亦窺及此言所以進光以及鞠武自是二篇根

說○客○之○窮○憂○為○刺○客○當



不足任使太子前頌首因請無讓然後許諾於是尊荆軻為上卿  
 舍上舍太子日造門下供太牢其異物間進車騎美女恣荆軻所  
 欲以順造其意久之荆卿未有行意秦將王剪破趙虜趙王遷盡  
 收其地進兵北略地至燕南界太子丹恐懼乃請荆卿曰秦兵旦  
 暮渡易水則雖欲長侍足下豈可得哉荆卿曰微太子言臣頭得  
 謁之人行而無信則秦未可親也夫樊將軍秦王購之金千斤邑  
 萬家誠得樊將軍首與燕督亢之地圖獻秦王秦王必說見臣  
 乃得有以報太子太子曰樊將軍以窮困來歸丹不忍以已之

太子病根只在心懣恐不能須  
 更向謀行刺以此促荆卿以此不待荆卿容以此

私而傷長者之意願足下更慮之荆軻知太子不恐乃遂私見樊  
 於期曰秦之遇將軍可謂深矣父母宗族皆為戮沒今聞購將軍  
 之首金千斤邑萬家將奈何樊將軍仰天太息流涕曰吾每念常  
 痛於骨髓願計不知所出耳軻曰今有一言可以解燕國之患而  
 報將軍之仇者何如樊於期乃前曰奈何軻曰願得將軍之首以  
 獻秦王秦王必喜而善見臣左手把其袖右手提其胸然則將  
 軍之仇報而燕國見陵之恥除矣將軍豈有意乎樊於期偏袒扼  
 腕而進曰此臣之日夜切齒腐心乃今得聞教遂自刎太子聞之

馳往伏屍而哭極哀既已無可奈何乃遂盛樊於期之首函封之  
 於是太子預求天下之利匕首得趙人徐夫人匕首取之百金使  
 工以藥淬之以試人血濡縷人無不立死者乃為裝遣荆軻燕國  
 有勇士秦武陽年十三殺人不敢忤視乃令秦武陽為副荆軻  
 有所待欲與俱其人居遠未來而為留待頃之未發太子遲之疑  
 其改悔乃復請之曰日已盡矣荆卿豈無意哉丹請先遣秦武陽  
 荆軻怒叱太子曰今日往而不反者豎子也今提一匕首入不測  
 之強秦僕所以留者待吾客與俱今太子遲之請辭決矣遂發太

說○初○道○高○漸○離

子賓客知其事者皆白衣冠以送之至易水上既祖取道高漸離

擊筑荆軻和而歌為變徵之聲士皆垂淚涕泣又前而為歌曰風

蕭蕭兮易水寒壯士一去兮不復還復為羽聲忼慷士皆瞋目髮

盡上衝冠於是荆軻遂就車而去終已不顧既至秦持千金之資

幣物厚遺秦王寵臣中庶子蒙嘉嘉為先言於秦王曰燕王誠振

怖大王之威不敢興兵以應軍吏頭舉國為內臣比諸侯之列給

貢職如郡縣而得奉守先王之宗廟恐懼不敢自陳謹斬樊於期

頭及獻燕督亢之地圖函封燕王拜送於廷使以聞大王惟大

王命之秦王聞之大喜。乃朝服設九賓見燕使者成陽宮。荆軻奉樊於期之頭函而秦武陽奉地圖匣以次進。至陛秦武陽色變振恐。群臣恠之。荆軻顧武陽前為謝曰：北蠻夷之鄙人，未嘗見天子，故振懼。頭大王少假借之，使得畢使於前。秦王謂軻起取武陽所持圖，軻既取圖，進之。秦王發圖，窮而匕首。因左手把秦王之袖，而右手持匕首，揠之。未至身，秦王驚自起，袖絕，拔劍，短長操其室。時惶急，劍堅，故不可立拔。荆軻逐秦王，秦王環柱而走。群臣驚愕，卒起不意，盡失其度。而秦武陽群臣侍殿上者，不得持尺

詩。操其室。

序。連秦王。

起袖絕拔劍短

序。刺秦王。

以武陽形軻

寸之兵，諸郎下兵以故，荆止。時侍醫夏無且知所為，左右乃廢，乃引其匕首。知事不就，倚柱而必得約契以報太子。功賞群臣及當坐者，各有所差。而賜夏無且黃金二百鎰，曰：無且愛

兵皆陳於殿下，非有詔不得上方。急時不及召

秦王而卒惶急無以擊軻，而乃以手共搏之。是

其所奉藥囊提荆軻，秦王方環柱走，卒惶急不

負劍，王負劍，遂拔以擊荆軻，斷其左股。荆軻

以秦王不中，中柱。秦王復擊軻，軻被八創。軻自

大箕踞以罵曰：事所以不成者，乃欲以生劫之。

也。左右既前，斬荆軻。秦王目眩良久，已而論

燕

二十一

以無且結有奇韻

我乃以藥囊提荆軻也。於是秦大怒燕，益發兵詣趙，詔王剪軍以伐燕。十月而拔燕薊城。燕王喜太子丹等皆率其精兵東保於遼東。秦將李信追擊燕王，王急用代王嘉計，殺太子丹，欲獻之秦。復進兵攻之，五歲而卒滅燕國。高虜燕王喜秦兼天下，其後荆軻慨龍門後此脫化出多少絕妙文字客高斬離，以擊筑見秦皇帝，而以筑擊秦皇帝，為燕報仇，不中而死。

咸陽宮環柱至今如見，文技也。技至此乎。

戰國策選

宋

公輸般為楚設機

百里一舍足抵如薊

無端

鮒出一義字作柄

公輸般為楚設機，將以攻宋。墨子聞之，百舍重繭，往見公輸般，謂之曰：「吾自宋聞子，吾欲藉子殺王。公輸般曰：『吾義固不殺。』王墨子曰：『聞公為雲梯，將以攻宋，宋何罪之有？義不殺王而攻國，是不殺少而殺衆，敢問攻宋何義也。』公輸般服焉，請見之王。墨子見楚王，亦無端。曰：『今有人於此，舍其文軒，鄰有敝輿而欲竊之；舍其錦繡，鄰有短褐而欲竊之；舍其梁肉，鄰有糟糠而欲竊之。此為何若人也？』王曰：

○亦○餽○出○此○句○作○柄  
必為有竊疾矣墨子曰荆之地方五千里宋方五百里此猶文軒  
之與敝與也荆有雲夢犀兕麋鹿盈之江漢魚鱉鼉鼉為天下饒  
宋所謂無雉兔鮒魚者也此猶梁肉之與糟糠也荆有長松文梓  
楨楠豫章宋無長木此猶錦繡之與短褐也臣以王吏之攻宋為  
與此同類也王曰善哉請無攻宋

### 梁王伐邯鄲

梁王伐邯鄲而徵師於宋宋君使使者請於趙王曰夫梁兵勁而  
權重今徵師於敝邑敝邑不從則恐危社稷若扶梁伐趙以害趙  
國則寡人不忍也願王之有以命敝邑趙王曰然夫宋之不如梁  
也寡人知之矣弱趙以強梁宋必不利也則吾何以告子而可乎  
使者曰○計○好○文○亦○道○勤○之○至○臣請受邊城徐其攻而留其日以待下吏之○攻○之○不○力○趙○無○失○城○有城而已趙  
王曰善宋人因遂舉兵入趙境而圍一城焉梁王甚說曰宋人助  
我攻矣趙王亦曰宋人止於此矣故兵退難鮮德施於梁而無怨

於趙故名有所加而實有所歸

宋康王之時

康字衍

宋康王之時有雀生鵠於城之陬使史占之曰小而生巨必霸天下康王大喜於是滅滕伐薛取淮北之地乃愈自信欲霸之速成故射天笞地斬社稷而焚滅之曰威服天下鬼神罵國老諫臣為無顏之冠以示勇剖偃之背缺朝涉之脛而國人大駭齊聞而伐之民散城不守王乃逃倪侯之館遂得而見祥而坏為禱反為禍

衛

衛靈公近癰疽彌子瑕

○蔽○字○領○

衛靈公近癰疽彌子瑕二人者專君之勢以蔽左右復塗偵謂君

曰○昔○日○臣○夢○見○君○君○曰○子○何○夢○曰○夢○見○竈○君○君○怱○怱○作○色○曰○吾○聞

夢見人君者夢見日今子曰夢見竈君而言君也有說則可無說

則死對曰日并燭天下者一物不能蔽也若竈則不然前之人

煬則後之人無從見也今臣疑人之有煬於君者也是以夢見竈

君君曰善於是因廢癰疽彌子瑕而立司空狗

犀首伐黃過衛

犀首伐黃過衛使人謂衛君曰敝邑之師過大國之郊曾無一介  
之使以存之乎敢請其罪今黃城將下矣已將移兵造大國之城  
下衛君懼束紉三百緇黃金三百鎰以隨使者南文子止之曰是  
提黃城必不敢來不勝亦不敢來是勝黃城則功大名美內臨其  
倫夫在中者惡臨議其事衆大名挾成功坐御以待中之議犀首  
雖愚必不為也是不勝黃城破心而走歸恐不免於罪矣彼安敢  
攻衛以重其不勝之罪哉果勝黃城帥師而歸遂不敢過衛



鞏嗣君求

衛嗣君時胥靡逃之魏，衛贖之百金，不與。乃請以左氏。群臣諫曰：以百金之地贖一胥靡，無乃不可乎？君曰：治無小亂，無大教化，喻於民，三百之地足以為治，民無廉恥，雖有十左氏，將何以用之。

衛人迎新婦

衛人迎新婦。上車問驂馬誰馬也。御曰借之。新婦謂僕曰。拊驂無答。服車至門。扶教送母。母曰。滅竈將失火。入室見白。曰。徙之。牖下妨往來者。主人笑之。此三言者。皆至言也。然而不免為笑者。蚤晚之時失也。

脊靡一條言政可附於書。新婦一條言理直通於易。

趙之不已據也。今齊之辭云則佐王必道燕趙與王相見。燕趙聞之必怒絕之。王亦絕之。是中山孤孤何得無廢。以此說齊王齊王聽平蓋諸君曰是則必聽矣。此所以廢之。何在其所以存之矣。張登曰此王所以存者也。齊以是辭來因言告燕趙而無往以積厚於燕趙。燕趙必曰齊之欲割平邑以賂我者非欲廢中山之王也。徒欲以離我於中山而已親之也。雖言平邑燕趙必不受也。蓋諸君曰善遣張登往果以是辭來中山因告燕趙而不往燕趙果俱稱中山而使其王事遂定。

策亦云然尤在問答處演扮得妙宛如面談作是書者化工

非画平也

*[Faint bleed-through text from the reverse side of the page]*

中山

中山與燕趙為王

中山與燕趙為王齊閉關不通中山之使其言曰我萬乘之國也

中山百乘之國也何倂名於我欲割平邑以略燕趙出兵以攻中

山中山相蓋諸君患之張登謂藍諸君曰公何患於齊藍諸君曰齊強萬

乘之國恥與中山倂名不憚割地以略燕趙出兵以攻中山燕趙

好倍而貪地吾恐其不吾據也大者危國次者廢王奈何吾弗患

也張登曰請令燕趙固輔中山而成其王事遂定公欲之平藍諸

君曰。母所欲也。曰。請以公為齊王。而登說公可。乃行之。藍諸君曰。願聞其說。登曰。王之所以不憚割地以賂燕趙。出兵以攻中山者。其實欲廢中山之王也。王曰。然。則王之為費且危。夫割地以賂燕趙。是強敵也。出兵以攻中山。首難也。王行二者。所求中山未必得。王如用臣之道。地不虧而兵不用。中山可廢也。王必曰。子之道奈何。藍諸君曰。然。則子之道奈何。張登曰。王發重使。使告中山君曰。寡人所以閉關不通使者。為中山之獨與燕趙為王。而寡人不與聞焉。是以隘之王。為舉玉珪以見寡人。請亦佐君。中山恐燕

陰姬與江姬爭為后

陰姬與江姬爭為后。司馬喜謂陰姬公曰。事成則有土得民。不成

則恐無身欲成之。何不見臣乎。陰姬公稽首曰。誠如君言。事何可

豫。道者司馬喜即奏書中山王曰。臣聞弱趙強中山。中山王說而

見之曰。願聞弱趙強中山之說。司馬喜曰。臣願之。趙觀其地形。險

阻。人氏貧富。君臣賢不肖。商敵為資。未可豫陳也。中山王遣之。見

趙王曰。臣聞趙天下善為音。佳麗人之所出也。今者臣來至境。入

都邑。觀人民。謡俗。容貌顏色。殊無佳麗好美者。以臣所行多矣。周

流無所不至未嘗見人如中山陰姬者也。不知者特以為神人言。  
胡然天胡然帝化出不能及也。其容貌顏色固以過絕人矣。若其眉目准頰權衡犀角。  
其八八識考長細子建所作抑浮美偃月彼乃帝王之后。非諸侯之姬也。趙王意移大說曰：吾願請之。  
何如？司馬喜曰：臣竊見其佳麗，口不能無道，爾即欲請之，是非臣  
所敢議。頭王無泄也。司馬喜辭去，歸報中山王曰：趙王非賢王也。  
不好道德而好聲色，不好仁義而好勇力。臣聞其乃欲請所謂陰  
姬者，中山王作色不說。司馬喜曰：趙強國也，其請之必矣。王如不  
與，即社稷危矣。與之，即為諸侯笑。中山王曰：為將奈何？司馬喜曰：

王立為后，以絕趙王之息。世無請后者，雖欲得請之，鄰國不與也。  
中山王遂立以為后。趙王亦無請言也。

中山君饗都士大夫

中山君饗都士大夫。司馬子期在焉。羊羹不遍。司馬子期怒而走。  
於楚。說楚王伐中山。中山君亡。有二人挈戈而隨其後。中山君頌  
謂二人曰。子奚為者也。二人對曰。臣有父。嘗食且死。君下壺飡。餌  
之。臣父且死。曰。中山有事。汝必死之。故來死君也。中山君喟然。而  
仰嘆曰。與不期衆少。其於當厄。怨不期深淺。其於傷心。吾以一盃  
羊羹。亡國。以一壺飡。得士二人。

名○言○

戰國策選

戰國策選

戰國策選

戰國策選

戰國策選

戰國策選

今關遠也藏印

今關遠也藏印





